

U cilju transparentne implementacije Projekta hitnog oporavka od poplava u Bosni i Hercegovini, a vezano za Zaključak Vlade Federacije Bosne i Hercegovine, V. broj: 1398/2014 od 15.07.2014. godine, Federalno ministarstvo poljoprivrede, vodoprivrede i šumarstva objavljuje

JAVNI OGLAS

za prikupljanje prijava za dodjelu pomoći licima čija su poljoprivredna dobra uništena usljed elementarnih nepogoda tokom 2014. godine na području općina u Federaciji BiH u kojima je proglašeno stanje elementarne nepogode

Općine u Federaciji BiH u kojima je proglašeno stanje prirodne nesreće od poplava i klizišta u maju i avgustu 2014. godine (u daljem tekstu: elementarna nepogoda) su: Ključ, Sanski Most, Bosanski Petrovac, Domaljevac-Šamac, Odžak, Orašje, Banovići, Doboj Istok, Čelić, Kalesija, Kladanj, Gračanica, Gradačac, Lukavac, Sapna, Srebrenik, Teočak, Tuzla, Živinice, Breza, Doboj Jug, Kakanj, Maglaj, Olovo, Tešanj, Usora, Vareš, Visoko, Zavidovići, Zenica, Žepče, Travnik.

1. Cilj javnog oglasa

Cilj Javnog oglasa je implementacija Projekta hitnog oporavka od poplava u Bosni i Hercegovini, koji finansira Federacija BiH iz kreditnih sredstava Svjetske Banke, u dijelu koji se odnosi na ekonomski oporavak Bosne i Hercegovine, a kroz dodjelu određenih roba fizičkim i pravnim licima čija su poljoprivredna dobra uništena usljed elementarnih nepogoda.

Pomoć će se realizirati isključivo kroz dodjelu slijedećih roba:

1. poljoprivredna mehanizacija i oprema;
2. plastenici, folija za plastenike i folija za jagode;
3. sadni i sjemenski materijal (voće, povrće, žitarice, industrijsko i krmno bilje);

Prijave za dodjelu pomoći mogu se odnositi samo na one robe koje su aplikanti posjedovali, a koje su uništene usljed elementarnih nepogoda.

2. Pravo učešća

Prijavu na Javni oglas mogu podnijeti:

- fizička lica upisana u RPG (u vrijeme elementarnih nepogoda) čija su poljoprivredna dobra uništena usljed elementarnih nepogoda 2014. godine sa prebivalištem u navedenim općinama u Federaciji BiH, a koja nisu ostvarila pravo po istom osnovu za istu štetu iz drugih izvora pomoći;
- pravna lica sa sjedištem u navedenim općinama u Federaciji BiH (registrovana za obavljanje poljoprivredne djelatnosti), upisana u RPG (u vrijeme elementarnih nepogoda), a čija su poljoprivredna dobra uništena usljed elementarnih nepogoda 2014. godine za koja nisu ostvarila pravo po istom osnovu za istu štetu iz drugih izvora pomoći.

3. Dostavljanje prijave na javni oglas

- za fizičko lice:

Čitko popunjenu i potpisanu prijavu na Javni oglas fizičko lice podnosi na obrascu koji je dostupan na web stranici Federalnog ministarstva poljoprivrede, vodoprivrede i šumarstva (www.fmpvs.gov.ba) ili se može preuzeti lično u prostorijama Ministarstva na adresi Marka Marulića br. 2, Sarajevo.

Uz prijavu na Javni oglas aplikant fizičko lice je dužno dostaviti u originalu ili ovjerenj kopiji sljedeće dokumente:

1. ličnu kartu podnosioca prijave;
2. Zapisnik nadležne komisije za procjenu štete (općinske/civilne zaštite) i Obrazac Š-03 Šteta na ostalim materijalnim dobrima;
3. dokaze o vlasništvu nad uništenim dobrima za poljoprivrednu mehanizaciju i opremu;

4. Izjavu datu pod punom moralnom, materijalnom i krivičnom odgovornošću da nije ostvario pravo po istom osnovu za istu štetu iz drugih izvora ovjerenu kod općinske službe nadležne za ovjeru potpisa;
5. za obrtnike – obrtnicu izdatu od nadležnog organa za oblast obrtništva.

- za pravna lica:

Čitko popunjenu i potpisanu prijavu na Javni oglas pravno lice podnosi na obrascu koji je dostupan na web stranici Federalnog ministarstva poljoprivrede, vodoprivrede i šumarstva (www.fmpvs.gov.ba) ili se može preuzeti lično u prostorijama Ministarstva na adresi Marka Marulića br. 2, Sarajevo.

Uz prijavu na Javni oglas aplikant pravno lice je dužno dostaviti u originalu ili ovjerenoj kopiji sljedeće dokumente:

1. rješenje o registraciji iz sudskog registra;
2. ličnu kartu odgovornog lica u pravnom licu;
3. Zapisnik nadležne komisije za procjenu štete (općinske/civilne zaštite) i Obrazac Š-03 Šteta na ostalim materijalnim dobrima;
4. dokaze o vlasništvu nad uništenim dobrima za poljoprivrednu mehanizaciju i opremu;
5. Izjavu odgovornog lica u pravnom licu datu pod punom moralnom, materijalnom i krivičnom odgovornošću da pravno lice nije koristilo pomoć drugih institucija za robe koje su predmet prijave na ovaj Javni oglas ovjerenu kod općinske službe nadležne za ovjeru potpisa ili kod notara;

4. Način izbora korisnika

Izbor korisnika pomoći po osnovu ovog Javnog oglasa će vršiti Komisija koju će rješenjem imenovati federalni ministar poljoprivrede, vodoprivrede i šumarstva. Komisija će razmatrati prijave na osnovu kriterija iz ovog Javnog poziva i u skladu sa Poslovníkom o radu na koji će saglasnost dati federalni ministar poljoprivrede, vodoprivrede i šumarstva.

Komisija može zatražiti dodatne dokaze i provjere kod nadležnih općinskih službi za aplikante čije su prijave pristigle po Javnom oglasu.

Prije formiranja konačnog spiska korisnika pomoći, s ciljem sprečavanja dobivanja pomoći više puta po istom osnovu i za istu štetu od različitih organa i institucija, Ministarstvo će izvršiti dodatne provjere vezano za navedeno sa podacima Federalnog ministarstva raseljenih osoba i izbjeglica, Federalne direkcije robnih rezervi, Federalne uprave civilne zaštite i podacima drugih organizacija i institucija sa kojima raspolaže.

Na osnovu Zaključka Vlade Federacije Bosne i Hercegovine, V.broj: 1398/2014 od 15.07.2014. godine i odobrenih sredstava u iznosu od 3.2 miliona konvertibilnih maraka za pomoć licima čija su poljoprivredna dobra uništena usljed elementarnih nepogoda tokom 2014. godine, odobrit će se pomoć u skladu sa utvrđenim kriterijima i raspoloživim robama iz Javnog oglasa.

Dostavljanje prijave se vrši preporučeno putem pošte ili lično, u zapečaćenoj koverti na adresu:

**Federalno ministarstvo poljoprivrede, vodoprivrede i šumarstva
Marka Marulića br.2, 71000, Sarajevo**

**sa naznakom „Prijava na Javni oglas za prikupljanje prijave za dodjelu pomoći licima čija su poljoprivredna dobra uništena usljed elementarnih nepogoda tokom 2014.godine”
(Na poledini koverta navesti ime i prezime podnosioca, tačnu adresu i kontakt telefon)**

Rok za podnošenje prijave je 20 dana od dana posljednje objave Javnog oglasa u dnevnoj štampi. Nepotpune i neblagovremene prijave neće se uzimati u razmatranje.

Konačni spisak korisnika pomoći po ovom Javnom oglasu će biti objavljen na web stranici Federalnog ministarstva poljoprivrede, vodoprivrede i šumarstva (www.fmpvs.gov.ba).

Broj:01-24/3-1423/15
Sarajevo, 17.06.2015.godine

